

CX.

Impudentia est etiam manifesta, quod dicunt monachos sic affluere meritis bonorum operum, ut cum alijs partem illorum communicare possint. Plena est vita monastica idolatriae et hypocriseos et sancti omnes fatentur se nec propria peccata posse tollere, cum quotidie orare cogantur „Remitte nobis debita nostra.“¹⁷³

CXI.

Manifestum et hoc est applicationem indulgentiarum, qua papa alijs applicat merita sanctorum, qui ex hac vita discesserunt, commentitiam esse et indulgentias olim nihil fuisse, nisi laxationes ἐπιτιμίων seu spectacularorum publicae poenitentiae. Denique vanissimum commentum est natum ex somnijs ethnicis et confirmatum a spectris, quod contra verbum Dei fingitur de purgatorio et de missis funebris et venalibus, in quibus multiplex est idolatria et impietas.

CXII.

15

De ecclesia.

Postquam summam doctrinae de essentia et voluntate Dei recitauimus, deinceps et commonefactio-[H 1v:]nes necessariae addendae sunt de ecclesia. Semper in tantis confusionibus opinionum, cultuum et morum quaesiuerunt et quaerunt multi, an sit aliqua ecclesia Dei distincta a caeteris gentibus et quae et ubi sit, praesertim cum in eo ipso coetu, qui nomen ecclesiae sibi tribuit, multiplicia scandala sint in conspectu, quae horribiliter perturbant animos intuentium.

CXIII.

Aduersus has dubitationes et commonefactionis et consolationis causa propositus est articulus in symbolo: „Credo ecclesiam sanctam catholicam.“¹⁷⁴ Hac professione affirmamus non esse abiectum a Deo totum genus humaanum, sed inde usque ab initio fuisse, esse et mansuram esse aliquam veram Dei ecclesiam.

CXIII.

30

Est autem ecclesia in hac vita visibilis coetus amplectentium incorruptam euangelij doctrinam et recte utentium sacramentis, in quo Filius Dei vere est efficax et multos regenerat voce euangelij et Spiritu sancto et facit haeredes

¹⁷³ Mt 6,12; Lk 11,4.

¹⁷⁴ Symbolum Apostolicum, in: BSLK, 21, 19f.